



This e-book was digitized from an original copy by the West African Research Association for the African Language Materials Archive (ALMA) project. Original funding for this project was provided by [UNESCO](#) and the [Council of American Overseas Research Centers \(CAORC\)](#) in cooperation with the [West African Research Association](#) and [Columbia University](#).

Please see the following web sites for more information about the ALMA project, contributing authors, and more titles in the series.

- Digital Library for International Research catalog: <http://catalog.crl.edu/search~S16>
- African Language Materials Archive (ALMA): <http://www.dlir.org/e-books.html>
- African language materials including interviews in video and PDF versions, documentary video, translation work, and bibliographies can be viewed at <http://alma.matrix.msu.edu>.



Faa kuu bee lonnaa

ye a koyindi le mun ne ye a tinna
dimbaayaa la kuwo ñanta ka ñaato sii,
aniñ a ñanta ke la ñaameñ



Fankantoo --- Fankantoo --- Fankantoo

Kuma foloolu

Dookuu bundaa meñ marata dimbaayaa feere landoo ma, wolu le ye ñij kitaaboo safee. Ñij kitaaboo safewo keta simfaa kummaa baa le ti ì la kata kuwolu kono, kewo doolu maañaalu to, aniñ ì daajikoolu to, ka a kata ka ì la fahaamuroo warandi dimbaayaa feere landoo dunoo to, aniñ dimbaayaa sambañaa.

Ñij kuwo suuloo, wo le ye dimbaayaa feere landoo dookuu bundaa ñij daa bulandi poliisoolu la poliisiyaa karaj bundaa kono, aniñ sandarimooroolu.

Ì niñ sandarimooroolu la sii ñoo kaño ka ñij kitaaboo kumakañolu kafu ñoo ma, wolu naata too dii meñ mu: "Saajiini kuu bee lonnaa."

Ñij too diyo daliiloo mu meñ ti, wo le mu, ka ke yitandiri-
laño ti tankoo dookuu bundaalu to, ka dimbaayaa feere landoo
kumakañolu janjandi, fo meñ si a tinna tankoo bundaa
dookuulaalu si ì fañ munafañ niñ futuu kuurajo tankarañ
joorañolu la, ì niñ ì futuuñoolu.

Yankuba Dibba le ye ñij safee.

Fankantoo ---- Fankantoo ---- Fankantoo

Kambiya Dimbaayaa Feere Landoo Dookuu Bundaa le (The Gambia Family Planning Association) ye ñij kitaaboo safee.
Kitaaboo ñij too mu “Faa kuu bee lonnaa” le ti, Ankalee kajo to “MR. Know-It-All”.

Kabiriñ WEC Keebaa karandi bundaa ye ñij kitaaboo je, ì ye a karaj, ì ye a je ko, a nafaa warata baake. Bitun ì naata dimbaayaa feere landoo bundaa moolu fininkaa, ka siloo dii ì la ka ñij kitaaboo yelemandi Mandinka kajo to. Ì naata kajo dii ñ na ka a safee ñ na Mandinka kaj keebaa karandijolu ye. Wo to m be lafi la ka Kambiya dimbaayaa feere landoo dookuu bundaa moolu jayi ka a fo ì ye, a baraka baake.

Faa kuu bee lonnaa

**ye a koyindi le muŋ ne ye a tinna
dimbaayaa la kuwo ñanta ka ñaato sii,
aniŋ a ñanta ke la ñaamenŋ**

WEC International

***Keebaa Karandi Bundaa le ye ñiŋ kitaaboo
yelemandi Mandinka kaŋo to***

Fasarilaa: Kitabu Jabaŋ

Tembendirilaa: Malisa Kamara (Marlies Lück)

1998

Fankantoo ---- Fankantoo ---- Fankantoo

Maakoyirilaalu la buuñaa kuwo

Fenjolu menu be ñij kitaboo kono, i sotota ka bo ñij sandarimooroolu la wakiiloo ñij i la maakoyiroo le kono la, ka i daa bulu ñij kitaboo safewo to. M be tenturoo dii la P.S.S. Jaañi la, aniñ a la dookuulaalu: Laamini Seen, Moomodu Maron, meñ marata sandarimooroolu la nindiroo karambuñjo ma.

M be tenturoo dii la kafoo doo fanaa la i ka a fo meñ ye ko, IPPF, meñ loota kodoo bundaa la, ka kitaboo ñij safee, aniñ kitaboo boñootolaa la dookuwo, meñ mu Pamela Kirini (Pamela Greene) ti. Meñ, ate le marata kafoo ma menu benta ka kitaboo ñij na kuwo kacaa, aniñ a kuu koteñolu. M be tenturoo dii la Bikitooriyaa Dompuka (Victoria Dompka) fanaa la, meñ marata IPPF la kuwolu laañaa la, a la a daa buloo dookuwo ñij to.

M be tenturoo dii la bulumaa kalañ dookuulaa fanaa la, Ibu Maadi Silla, a la dookuu kendoo kañ.

M be tenturoo murundi la Kambiya dimbaayaa feere landoo dookuu bundaa moolu kañ, i la dookuu bundaa doo koto, i ka a fo meñ ye ko, IEC. i la katakuwo kañ ka ñij kitaboo la kuwo bee ke a ñaama, ko a ñanta ke la ñaamen.

J. Tunde Teelori-Tomasi (Taylor-Thomas), GFPA, le ye ñij safee.

M baadij banku dunkewolu,
ali si n seedeyaa noo ñij na le ko,
baluwo ye sooneeyaa mej ke nuj,
bii tiloo la a mañ wo ke. Bii tiloo la,
ñà ñaa tiliñ fankoo koleyaa
bundaalu le la. Aduj wo ye mej
ñininkaa wo le mu, kee-wo-kee,
a bee ñanta a la dimbaayaa
la kuwo ñaato sii la le, niñ a ko,
a ye baluu kuu ñiimaa soto,
aniñ a la dimbaayaa moolu.
Ñaato siyo mu kuu le ti ñ dalita
ka mej ke waati-wo-waati.

M be ñij fo la ali ye ko:



Ñ na Moofinduu tarakuu kotoo to, baluwo fannaa-wo-fannaa, a ka ñaato sii le, aduj ñ ka tara loorij a kañ ne ka taama niñ ñ na aadoo siloolu la. Moolu ka senoo niñ fiiroo ke waati le la sañjo kono, iye naa sawuj kunku doo to ka waatoo doo dii kunkoo ñij na, ka ceñ.

Wo ñaa kilijo ñaama kewo fanaa ka tara sawuj-sawuj kañ a la musoolu teema teñ ne, ka waatoo dii musoolu la, ka i foñondij, futuwo la siloo la.

Hani bii ko a ka ke ñaamej nuj, ñ ka tara ñ na baluwo ñaato sii kañ ne, aniñ ka a kata ka ñ na baluuñaa sooneeyandi. Ñ ka ñ na baluwo ñaato sii le ka buñjo loo, ñ ka ñ na baluwo ñaato sii, m be waafiroo ke la waatoo mej na, aniñ m be mej waafi la, waran m be mej sañ na, m be mej tabi la, aniñ m be mej domo la. Ñ ka ñij bee ke muñ ne kamma, ka baluu kuu ñiimaa soto. Wo to a kummaayaata le ka ñ na dimbaayaa fanaa la kuwo ñaato sii.

Dimbaayaa feere landoo mañ ke miira kuta ti. Kabirin fo sanji keme-kemoolu kooma, duniyaa fannaa jamaa la, moolu tarata feeroolu siti kañ ne ka ì la dimbaayaa la kuwo ñaato sii. Ntolu la ñij bankoo kañ jan, ñ ka alikunuutoo le taa, anij safe kotenjolu ka ìñ farñ tanka, niñ ìñ mañ lafi ka diñ soto waatoo meñ na. Bari saayij, janniñ ìñ be tu la loorij ñij farñ tankañaa doronj kañ, feere kutoolu le fintita ka ìñ maakoyi ka siloo yitandi ñ niñ ñ futuuñoolu la ka ñ na dimbaayaa la kuwo ñaato sii.

Ka bula dimbaayaa feere landoo siloo nooma, kewo si a fo noo le, waatoo meñ a be lafi la ka a la dimbaayaa moo lafaa, waranj a be waatoo meñ dii la a la musoo la ka i foñondij, ka semboo soto kotenke, anij a be lafi la ka i dahaa diñ soto la waatoo meñ na.

Dimbaayaa feere landoo kuwo mu miira kendoo le ti,
fo moo kuñ kiliñ na ye banj,
waranj fo futuuñoomaa fuloolu ye,
ka ñaato siyo ke:

- * Diñ meñ nankamoo ì be lafi la ka a soto. Wo le mu, ka dimbaayaa kaañandi meñ maroo be diyaa la ì bulu.
- * Waatoo meñ ì be lafi la a la ka ì diñ foloo wuluu a la, anij waatoo meñ ì be lafi la ka ì diñ labajo wuluu a la.
- * Ka ì diñolu la wuluu waatoolu sabandi ñoo la, meñ si taa fo sanji saba ñoñ na.




Nij ñ ko, dimbaayaa kuwo feere landoo,
wo ye muñ ne yitandi?

Dimbaayaa kuwo feere landoo kotoo mu
ñij ne ti, futuuñoomaa fuloolu ye sii ka
miirali ke, ì ñanta dij jelu le soto la, anij ì
ñanta ì soto la waati jumaa le la. ì ye a kuwo kacaa, anij ka a
kuwo juubee dimbaayaa la waroo ñanta kaañaj na ñaadii le,
sabati dinkiraa la kuwo kamma la, anij manankuño meñ be ì
bulu, ì be baluu la meñ na. Bituj ì si naa wuli, ì ye taa
dimbaayaa kuwo feere landoo dookuu bundaa to, waraj ì la
jaaraloo bundaa to, ka ì maakoyi ì la suulakuwo to, ì kana dij
jamaa soto waati kuntundiño kono.

Futuuñoomaa doolu be jee, niñ ì futuuta ñaamenj, ì si lafi ka
ì diñolu bee wuluu wo waati kuntundiño kono, ì ye tara wo
ñama, ì te dij kotej soto la, a ye a tara, ì manj tambi wuluwo
la. Aduj ì ye a jaati kendeyaa fanaa soto. Doolu, wolū si lafi ka
ì batu fo sanji dantañ koolaa, ì ye naa wuluwo kumaasi.
Futuuñoomaa doolu be jee, wolū ka bataa kuwo le soto ka
jiidoo kumaasi.

Dimbaayaa kuwo feere landoo dookuu bundaa si ì fanaalu maakoyi
noo le!



Ñ na tarakuu kotoo keñaa to, musoo buka konoo soto, a ye a tara a dijo mañ taama, warañ a mañ diyaamoo noo. Musoo buka konoo taa, a ye a tara a be suusundiwoo la. Musoo la kee bunkonolaa juunabaliyaa, ka tanka buuriloo ma, ñ na aadoo siloolu to, aniñ musu jamaa futuwo, wolu bee mu kuu kummaa le ti dimbaayaa kuwo feere landoo nata kuwolu kono.




Kewo ñanta le ka hakilimaayaa
kendeke, ka hapu ke i dijolu la i
semboo si mennu la kuwo topatoo
noo a ñaama!

Daliili jamaa le ye a tinna kewo niŋ a la musoo bee le ñanta ka dimbaayaa la kuwo ñaato sii.

Dimbaayaa kuwo feere landoo ye nafaa soto dimbaayaa ye le, fankoo la karoo la. Niŋ futuuñoomaa fuloolu mu doobaalu le ti, aduŋ i la doo kenoo maŋ fanu, i naata diŋ taŋ niŋ fula soto, i be bataakuwo soto la le ka i daañini. Niŋ wo diŋolu menta, ka wo dimbaayaa taŋ niŋ fuloo balundi wo kene kiliŋo la, wo be ke la bataa baa le ti. Fo doolu ye sawun, aduŋ a si ke noo i ye taa sii tubaabu kundaalu to, daamerŋ dookuu barakamaa buka tara jee. Niŋ i mu doobaa ti, aduŋ i la dimbaayaa moo maŋ siyaa, i si i bee duŋ noo karambuŋo to noo le. I si feŋ tu noo le, i be i keetaa la meŋ na, aduŋ i si hakili tenkuŋo soto, kaatu i diŋolu be tara la baluu kuu ñiimaa le kono.

Dimbaayaa kuwo ñaato siyo te moo ke noo la fankamaa ti. A te a tinna la noo i la kunkoo fiifeŋolu ye falŋ a ñaama, aduŋ a te a tinna la noo i ye buŋ loo noo ka mbindaanoolu taa dookuwo la. Bari a be i maa-koyi la le ka i la dimbaayaa samba noo a ñaama!

Kee-wo-kee a
ka lafi le a la
dimbaayaa ye
tara baluu kuu
ñiimaa kono.
Aduŋ a ka lafi le
ka a la dimbaayaa
la suula kuu
kummaalu bee
jaara. Komeŋ
feetoofatoo, i be
tara la buŋo meŋ
kono, laadulaa
keňaa, karambuŋ



joo keñaa, anij nii suula kuufej toomaalu.

A be lafi la le fanaa a la kodoo maroo ye sooneeyaa a bulu, anij ka doo maabo noo a la saama kamma, niñ a ye i foño dookuwo la.

A be lafi la le fanaa ka feñ jamaa soto a dijolu kilij-kilij na ye.

Dimbaayaa meñ na kuwo mañ ñaato sii, a si bataakuu jamaa samba nañ noo alifaalu kañ ne, hadamayaa la karoo la, anij soto bundaa fanaa la karoo la. Dimbaayaa kuwo feere landoo, wo le be kewo maakoyi la ka ke maakoyirilaa kendoo ti a la dimbaayaa ye. Aduñ a si ke moo ti meñ ye ñaameñø soto a la dimbaayaa marañaa to, ka ì la ñaatotaa kendoo ñaato sii.

Dimbaayaa kuwo feere landoo ye hadamayaa anij jaati-kendeyaa nafaa fanaa soto le!

Kewo meñ na musoo ye jaatikendeyaa soto, a la a dijolu wuluwo jamfandoo ñoo la, niñ a ye diñ-wo-diñ wuluu, wo fanaa ka jaati kendeyaa soto le.

A kummaayaata le kewo jaatoo ye tara sahariñ, aduñ a ye ke katalaa ti, kaatu ate le ka dookuwo ke a la dimbaayaa ye, anij bankoo.

- * A ñanta hakili tenkuño le soto la suwo kono, anij dookuu dulaa.
- * A ñanta le a nin a la musoo ka waatoo soto ñoo kañ, anij a la dindijolu, ka ì la kuwo hakili tu, anij ka kanoo yitandi ì la. A dijolu bee la kuwo ye diyaa a ye.
- * A yaa moo kana tambi.
- * A si a fañ seewondi a la musoo kafuñoooyaa la, a kana sila buurili kuu la.

- * Kewo ñanta foñondijo soto la le,
aniñ fanj seewondi kuu koteñolu,
a niñ a la dimbaayaa niñ a
teeroolu.
- * A ñanta waatoo soto la le
ka maabee kafu kuwolu to,
aniñ keebaa karango.



Kewo meñ ye dimbaayaa lanna
tambiriñ soto, dimbaayaa kuwo
feere landoo le si a maakoyi noo
ka a la niitoroo talaa, aniñ
waati-wo-waati dookuwo.





M bee le lafita ka dijо soto, fo wо nte? Bari muŋ daliili le ye a tinna moolu ka lafi ka dijо soto?

- * Fo ì ka lafi a la ñij ne kamma, niŋ ì keebaayaata, ì dijolu ye ì maakoyi.
- * Fo ì ka lafi a la faj seewondoo doron ne kamma.
- * Fo ì ka lafi a la dij diyaa doron ne kamma.
- * Fo ì ka lafi a la ñij ne kamma ka mamarinolu soto.
- * Ka lasiloo balundi.
- * Ka taama Alla la lañinoo la.
- * Ka keeyaa yitandi, anij musuyaa.

Fo ñinnu le mu daliilolu ti baŋ meŋ ye a tinna moo ñanta ka dij jamaa soto?

Moo jamaa ka dijо soto a ye a tara ì maŋ tara lafiriŋ ka dijо soto. Wo kamma la, ì ka dindijolu fayi, ì ka ì niilaa moolu yaa, ì buka ì la kuwo hakili tu a ñaama, aduŋ wo le ka naa suŋ dindij jamaa la faa la jannij ì siyo ka futa sanji luulu.

Dijo ñanta soto la waati le la waatoo meŋ, alifaa fuloolu be lafiriŋ ka a soto. A maŋ ñaŋ na soto la kafu-ñooyaa kono! Ñij mu kewo la dookuwo le ti ka dimbaayaa kaañandi i la soto dano fee, i si mennu la kuwo dunoo bee taa noo.





Fo i ye ñij kalamuta le bañ ko,
dimbaayaa kuwo feere landoo
kummaayaata i la musoo ye le?

Niñ musoo ye wuluwo dati, a
kummaayaata le a la wuluwo
teemoolu ye jamfa ñoo la,
meñ si taa fo sanji saba ñoñ na.
Daliili jamaa le ye a tinna ñij ñanta
ka ke. Musoo meñ na wuluwo ka tu
ñoo kañ doronj, a ka bataa le, a
balajaatoo ye lamfu, aduñ jamaa-
jamaa a maarii ka tu tiñj le to.

Musu mañ ñañ na diñ jamaa soto la!

- ⇒ Dimbaayaa kuwo feere landoo ye dahaa bundaa le yele
musoo ye ka a la jaatikendeyaa sabatindi. A yeloo niñ a
semboo ye seyi a ñaama, a foota mennu la, a la
konomayaaya kari konontoo kono, aniñ a la wuluwo
waatoo la, meñ, a si ke noo a ye a la wuluu koteñj
koleyandi a bulu.
- ⇒ Konomayaaya waatoo la domoroo ka bo niñ baa yele le
to la, niñ batakuj juloo la, ka deenaanoo balundi konoo
kono. I be a je la ko janniñ i be a fo la ko dindiñj be
paree la ka wuluu, baa la kuliyaaya ka lafaa le fo pawuni
muwañ ka taa fo pawuni muwañ niñ naani ñoñ na. Niñ
kuliyaaya bee ka tara laariñ baa koo kañ ne, aniñ a kono
fasoolu, aniñ a sundiñj niñ a la nijiyo. Musoo la
konomayaaya waatoo la, wuluuñajo ka yele le, aduñ a
ñanta waatoo soto la le ka kafu ñoo ma, janniñ a ka yele
kotenke a la wuluu koteñj.

Nij waatoo mañ dii wuluuñaño la ka kafu ñoo ma, wuluuñaño la fanoo ka lafaakuu le, aduñ musoo meñ wuluuñaño tarata teñ, nij a ye konoo taa, wuluwo ka ke a bulu bataa baa le ti. A buka semboo soto ka deenaanoo fintindi. A si ke noo fañ wuluuñaño ye fara, yeloo ye tu boñ na a ye, fo a ye suñ a la saatoo la.

⇒ Wuluulaa meñ bulata dimbaayaa kuwo feere landoo yaamaroolu nooma, wo le ka a hakili tu noo dindiño to meñ be a bulu, a ka a hakiloo tu noo a keemaa to, anij a diñ koteñolu.



A ka waatoo soto noo ka a
diŋo samba jaaraloo bundaa
to ka a wisitee, aniŋ ka sepu-
roolu dii a la ka tanka dindiŋ
kuurajolu ma. Niŋ tankandiroo
keñaa, wo le ka maakoyiri ke
ka dindiŋolu la saayaa juunoo
talaa. Dindiŋo la saayaa juunoo,
jamaa-jamaa ate le ka kono-
maayaa juunoo saabu, kaatu
baa ka lafi le ka a jooseyi diŋ
doo la kontenke.



Niŋ musoo buka tu
konomaaayaa sitoo kono
waati-wo-waati, a ka a
maakoyi le a ye waatoo
soto ka a daa bulu kafu
kuwolu to, aniŋ kuu
kotenjolu mennu be
nafaa samba la naŋ
dimbaayaa kaŋ.

Dimbaayaa kuwo feere landoo ka musoo maakoyi le ka tanka konomaaaya ma, a mañ lafi a la waatoo meñ na. Meñ, niñ a keta, a ka jamaa duñ konoboo la to. Konoboo ka maasiibe jamaa le wuluu, sako niñ moo ye a ke meñ mañ a noo. A si ke noo konoboo waatoo la wuluuñajo daa ye tiñaa, niñ wo keta, musoo ka tu yeloo le bondi la doroñ, aduñ wo si sun noo a la saayaa la le. Waran niñ a mañ faa, a te diñ soto noo la kotenke.

Maasiibo baa si ke noo ñiñ konoboo kono le. Niñ meñ kanata wo ma, a si ke noo a maarii te diñ soto noo la kotenke a la baluwo muumewo kono. Doolu be jee ì la kono-bo koolaa ì buka naa jaati kendeyaa soto noo kotenke. Doolu be jee ì ka faa le, kaatu ì ka maasiibo kuwo meñ soto konoboo waatoo la, a buka naa jaara noo.

Musu wuluulaa suulata:

- * Waatoo le la ka foñondijo soto a la wuluu fuloolu teema.
- * A ye tara jaati kendeyaa kono.
- * A suulata waatoo fanaa la le a diñolu kanoo to, ka a hakiloo tu a diñolu la kuwo to, aniñ a keemaa.
- * A suulata waatoo la le ka a diñolu la kuwo topatoo, aniñ ka a yaa la kuwo hati.
- * A suulata waatoo la le ka i foñondinj.
- * A suulata waatoo la le ka a daa bulu kafu kuwolu to, aniñ fañ maakoyi dookuwolu to.
- * Aniñ ka maabee keebaa karajo to.

Musu wuluulaa meñ ye a fañ tanka ka a la wuluu waatoolu jamfandi ñoo la meñ si taa fo sanji saba waran meñ siyaata wo ti, aniñ meñ ye a fañ tanka ka konoo taa jannij a siyo ka futa sanji tañ niñ seyi, aniñ meñ ye a fañ tanka ka konoo taa niñ a siyo tambita sanji tañ saba niñ luulu la, waran a ye i dahaa wuluwo la a la konoñaa naanoo koolaa, jamaa-jamaa wo wuluulaalu le ka tara jaati kendeyaa kono.

Kuu naani



A dooyaabaata ka wuluu



A keebaayaabaata ka wuluu



Dijo siyaajawuta



Dijolu la wuluu waatoo sutiyaa-
baata ñoo la



Muŋ ne ye a tinna a maŋ koyi, musoo
ye konoo soto, niŋ a siyo maŋ futa
sanji taŋ niŋ seyi?



Musoo meŋ siyo maŋ futa sanji taŋ niŋ seyi, a tookuŋ kuloo buka bambaj ko musoo meŋ menta, adun niŋ a ye konoo taa, ate le la tiŋo ka koleyaa, aduŋ a ka mee, ka tambi musoo la meŋ menta. Musoo meŋ siyo maŋ futa sanji taŋ niŋ seyi, jamaa-jamaa ate le ka wuluu kuruŋo soto, aniŋ ka diŋo wuluu meŋ dooyaata baake. Musoo dindinyaata ŋaameŋ, a la wuluwo ka koyibaliyaa wo le ŋaama.

Niŋ musoo dooyaabaata, a la tiŋo ka koleyaa le. Jamaa-jamaa ŋinnu le ka ke koleyaa bundaalu ti a la wuluwo waatoo la:

- ⇒ Yele seloo
- ⇒ Siŋ yiiboo
- ⇒ Naadaa yiiboo
- ⇒ Bala jarajaroo
- ⇒ Sondome mammaŋo
- ⇒ Niikuyaa jawoo miira jawoo kamma la
- ⇒ Bataa kolenjo tiŋo waatoo la, meŋ, a ka suŋ a la tookuŋ kulu membaliyaa le la.

⇒ Tiŋo la koleyaa ka a saabu le musoo la sumunaa mutoo a kono, aniŋ kenetotaa, a ka koleyaa, kaatu feŋ ne ka tiňaa baloo bala.

⇒ A ka a tinna noo le fanaa musoo la jiidoo ye kuntu fereŋ.

⇒ A ka ke noo a la saayaa fanaa sababoo ti le.

Niŋ musoo maŋ meŋ foloo a wuluuta, a ye a tara a siyo maŋ futa sanji taŋ niŋ seyi, a ye diŋo meŋ wuluu, wo fanaa ka tu buła la koleyaa kuwolu le kono doron. Koleyaa kuwo doolu mənnu be ko:

⇒ Sembe dooyaa, meŋ, jamaa-jamaa a labaŋo ka ke saayaa juunoo le ti.

⇒ Domori kende sotobaliyaa kuuraŋo, kaatu a ka a tara le baa sondomoo maŋ kamali, aniŋ a jaatoo maŋ bamban ka dindiŋo la kuwolu topatoo noo a ŋaama.

⇒ Mooyaa dasoo, meŋ, a ka suŋ wuluwo waatoo le la, wuluwo la koleyaa niŋ a la mewo kamma la.

A maŋ koyi musoo meŋ fanaa siyo tambita sanji taŋ saba niŋ luulu la ka konoo soto.

⇒ Musu maŋ ŋaŋ na lafi la diŋ soto juunabaliyaa la a la baluwo kono. Kaatu niŋ musoo maŋ diŋo soto juuna fo a siyo tambita sanji taŋ saba niŋ luuloo la, wo to ነà ŋiŋ kumakanolu mənnu foloo fo teŋ santo, a maarii la kuwolu be tara la wolū le kono.

⇒ A si ke noo niŋ a wuluuta a ye diŋ manewo wuluu, waraŋ a diŋo la mooyaa ye dasa.

⇒ Niŋ musoo keebaayaata, niŋ a ye konoo soto, jamaa-jamaa a ka diŋo meŋ wuluu, a buka baluu.


Dindijolu menu ka wuluu, a ye a tara i baamaañoolu la wuluu foloo sanji fulanjaño mañ timma, jamaa-jamaa niñ i wuluuta, i la kulyaa buka tambi kilokaraamu fula niñ too la (2.5kg). Buuridiñolu ka tara domori kende sotobaliyaa mantooroo le kono, badaa-badaa saasaa mesenjo, aduñ i mooloo buka diyaa. i balajaatoo la taañaatoo buka tariyaa, aduñ i hakiloo buka diyaa karambuño fanaa to, karanjo la karoo la.

Niñ musoo la wuluwo loota ñoo kañ baake, i buka jamfa ñoo la, a balajaatoo ka domori kendoo meñ maaboo a kono, wo bee ka bañ ne ferenj, aduñ niñ ka naa ke a ye domori kende sotobaliyaa kuuraj jawoo le ti. A te bala soto la, a ye tu jaarin doronj. Niñ a ye konoo soto, a be dijo meñ wuluu la, a te sembe soto la, aduñ a si ke noo, a ye faa. A sunju nonoo si dooyaa, a te foori la, aduñ niñ niñ keta, dindiño la baluwo be koleyaa la baake, sako niñ dij koteñolu fanaa la kuwolu bulata baa niñ na sotofendiñolu kono.

Musu mañ ñañ na ka i la wuluwo loo ñoo kañ.

Musoo meñ na wuluwolu teemoo buka sanji fuloo sii:

- ⇒ A maarii ka kotoo juuna le, kaatu a baloo buka waati soto ka i foñondij wuluwolu teema.
- ⇒ A maarii ñaadaa si koyi fer, a buluteetewolu kono, anin a neñjo. Feñ te fo yele dooyaa. i ka a fo wo le ko yele dooyaa kuuraño.
- ⇒ Niñ yele dooyaa kuuraño, a ka soto wuluu waatoo le la. Niñ musoo ye konoo taa, a ye a tara a la wuluu foloo mañ sanji fuloo sii. A baloo mañ waati soto ka i foñondij, a la yele dooyaa kuuraño be kali jawuyaa la le doronj. A si ke noo, a ye naa labañ a ye sundinj kuuraño ti.
- ⇒ A semboo bee si bañ.



Dindigulu bee suulata:

- ◊ Domori betoo le la, ka balajaati bambandijo soto anij balajaati saharijo.
- ◊ Topatoori kuu ñiimaa, kanoo, anij hakili tu kuu ñiimaa ka bo alifaa fuloolu bulu.
- ◊ Taradulaa, niiseewondi dulaa kendoo, dulaa tankarijo, anij a dandajo la kuwolu ye tara bëteyaarij.
- ◊ Sitifaani kendoolu.
- ◊ Londi betoo, kitaaboolu, karambuñ joo, anij karambunto taarañ duñ feñolu.





Kee-wo-kee a ñanta dookuu kendoo le ke la ka a
dijolu dalindi a fan na ka baluuñaa datidulaa kendoo
dii ì bee kiliñ-kiliñ na la.

Dimbaayaa kuwo feere landoo ka kewo maakoyi le anij a la
musoo, ka dijolu soto mennu la jaati kendeyaa be tara la
sabatirij.

⇒ Dindiño meñ mañ buuri, a ka baluu kendoo soto a ñaama
le, a hakiloo si yiriwaa a ñaama, aduj niñ a ye sunju
nonoo suusuu fo kari kononto, warañ meñ siyaata wo ti,
a balajaatoo la meno niñ a sondomoo la kamaloo ka
wara wo le ñaama.

Dimbaayaa kuwo feere landoo ye siloo dii alifaalu la le ka ì la dindijolu la kuwo topatoo kendeke. Diñolu menu ì la alifaalu ye ì la kuwo ñaato sii jannij ì ka wuluu, wolu le ka baluwo fondamanj kendoo soto.



Musoo meñ ye diñ dantañ soto, a si waati jamaa taa noo le ka a la suula kuwolu jaara. Bari niñ a diñolu siyaata, a te waatoo soto noo la ka ì bee kilij-kilij na la suuloo jaara. A be koleyaa la musu kilijo bulu baake le ka diñ tañ bee seneyandi noo a ñaama, anij ka ì maakoyi niñ ì suulata maakoyiroo la waati-wo-waati.

Niñ musoo ye diñ dantañ doron ne soto, a si ì maakoyi noo le ì suulata a la waatoo meñ na, adun ì si a lorñ fanaa ì baamaa ye waatoo soto le ka ì la kuwo hakili tu.



Ñ na banku diñyaa kañ, ntolu kontaanita baake, ka ñ na bankoo la kuwolu samba ñaato, ka dimbaayaa la kuwo bambandi, dimbaayaa la jaati kende- yaa, anij dimbaayaa kuwo feere landoo. Bankoo la yiriwaa ka suñ dimbaayaa kuwo feere landi kendoo le la ka bo dimbaayaalu la karoo la.

Niñ moolu ye a kata ka dimbaayaa kaañandiñō soto, ì si
mœñ na kuwo dunoo taa noo, wo to:

- * Kenoo be soto noo la a ñaama le, ka siimaj feñolu dookuu.
- * Dookuwo si soto noo a ñaama.
- * Karambuñ jamaa si soto noo anij jaati kendeyaa sabatindiraj feñ jamaa.
- * Niiseewondiraj feñ jamāa si soto noo a ñaama.
- * Jiyo si soto noo a ñaama.
- * Esansi tulumaa feñ si soto noo a ñaama, anij kurañó si soto a ñaama.
- * Buñolu si siyaa, kenoo ye soto a ñaama.
- * Seneyaa bundaa si beteyaa, ko a ñanta ke la ñaameñ.
- * Joorajolu mennu ka futañoomoo la kuwo sooneeyandi si siyaa.
- * Bankoo neemafeñolu si marañaa kendoo soto.



Bankoo meñ moo kaañanta, aduñ a moo la siyaa yirikoo niñ a la fankoo ka taa ñoo la, anij a la yiriwaa keñaa, ka banku diñolu la suula kuwolu jaara noo.

- ◊ Wo to wo bankoo mansakundaa si karambuñolu loo noo a ñaama le,
- ◊ a si jaatikendeyaa dookuu bundaa yiriwandi noo a ñaama le,
- ◊ a si dandaño la seneyaa kuwolu mara noo le,
- ◊ a si taradulaa keñaa beteyandi noo le,
- ◊ a si futañoomoo la kuwolu beteyandi noo le,
- ◊ a si dookuu bundaalu yiriwandi noo le,
- ◊ a si niiseewondi dulaalu niñ tuluj dulaalu parendi noo banku diñolu ye le.

I la dimbaayaa la kuwo ñaato sii,
ka bankoo la siniñ saama beteyandi.




Konomaayaa tankarañ feñolu ka
moo tanka konosotoo le ma. Wo to
niñ i lafita i fango la kuwo ñaato sii la,
a kummaayaata baake, ka dimbaa-
yaa kuwo feere landi sila kendoolu
loj menu be kerij saayinj.



Siloolu be kerij kewolu ye le, aniñ musoolu. Niñ i lafita kuu
loj na ñiñ siloolu la kuwo to, kata ke i ye futa lopitaanoo to,
waraj i ye kata ke i niñ dimbaayaa kuwo feere landoo dookuu
bundaa dookuulaa kilij ye feru.

I ñanta maakoyiroo ñini la le ka tombondiri ke siloo la menj
be bëteyaa la i to, i niñ i futuuñoo, dimbaayaa kuwo feere
landoo siloolu to.


Boorikesoo



Foolewo



Poosewolu menu ka
dundi wuluuñajo kono



Penkoo




Boorikese yooyitaa,
menj ka duñ
musuyaa kono





Boorikesoo la kuwo

- ◆ Niŋ boorikesē mintaa te i bali noo la kono soto ma, niŋ i ye i foño a miŋo la. Niŋ boorikesoo buka moo ke noo wuluubaloo ti.
- ◆ Niŋ boorikesoo la kuwo be ko le boorikesē mintaa koteŋolu. Niŋ i ye a kunuŋ, a ka yooyi le. Niŋ boorikesoo buka kafu ñoo kaŋ dulaa kiliŋ i konoo kono.
- ◆ Niŋ boorikesē kufundiŋ-wo-kufundiŋ, kese muwaŋ niŋ seyi le ka tara a kono. Ka dookuwo ke noo a ñaama, i be kali la a miŋ na le, luŋ-wo-luŋ kese kiliŋ, waati kiliŋolu la.
- ◆ Boorikesoo niŋ ka musoo maakoyi le ka foñondijo soto a la kono taa fuloolu teema ka a la jaati kende-ya sabatindi.
- ◆ Kewo maŋ ñaŋ na
niŋ boorikesoo miŋ na.
- ◆ Niŋ i ñinata fo a miŋ waatoo ye i daŋ, i hakiloo bulata a la waatoo meŋ na, kiliŋ sika i ye a miŋ, bituŋ doo meŋ be naa, i si wo miŋ a waatoo la.

Niŋ i ñinata a miŋ waatoo ye i daŋ fo siiňaa fula waraŋ meŋ siyaata wo ti, i hakiloo bulata a la waatoo meŋ na, fula sika i ye i kunuŋ, i ye naa fula taa wo saamoo. Foolewo taa waraŋ boorikesoo meŋ ka duŋ musuyaa kono, meŋ, a ka maniyoo janjan ka a tiňaa, fo jannin i be i la kuuroo je la kotenke.



Poosewo



- ◆ Poosewo beteyaata musoo to le meñ ye dijo soto.
- ◆ Niñ musoo ye ñiñ poosewo duñ, niñ a niñ kewo kafuta, kewo buka a loñ noo ì la kafuñooyaa waatoo kono.
- ◆ Ñiñ poosewo buka finti noo wuluuñajo kono, niñ a mañ ke niñ musuyaa kono la ti, aduñ a buka tara noo yankariñ musoo baloo kono.
- ◆ Ñiñ poosewo, niñ musoo ye a bondi a fanj bala doron, a si konoo taa noo le.
- ◆ Ñiñ poosewo beteyaata musoo la le meñ be taama sila jañjo kañ, daamenj a te sila koteñolu la deemaaroo bundaa soto noo la, komerj penkoo, aniñ boorikese mintaalu.
- ◆ Ñiñ poosewo, a si waati taa noo, a mañ jooseyi fo sanji jamaa, aduñ wo waatoo bee kono, a si tara musoo tankariñ kono soto ma.
- ◆ Niñ musu meñ lafita ñiñ poosewo la, i si kata ke i ye futa dimbaayaa kuwo feere landoo lopitaanoo to. Niñ i lafita ka ñiñ poosewo ke i bala, i si futa dimbaayaa kuwo feere landoo lopitaanoo to, waati la, watoo meñ i be i la kuuroo je kañ.

Penkoo



- ◆ Penkoo mu sila kende baa le ti, musoo ye, meñ mañ lafi ka diñ o soto kotenke.
- ◆ Penkoo mu sila kende baa le ti musoo ye meñ lafita ka boorikesoo taa, bari a hakiloo te bula noo la a luñ-wo-luñ miñ o la.
- ◆ A beteyaata musoo ye le meñ be suusundiroo la.
- ◆ A beteyaata musoo ye le meñ mañ lafi moo ye a loñ ko a ka fañ tankarañ booroolu le taa.
- ◆ Penkoo mañ beteyaa musoo to meñ lafita ka konoo taa waati sutuñ, kaatu a ka musoo la kono taa taridendi le.
- ◆ Penkoo buka musoo ke noo wuluubaloo ti. A ka musoo la konotaa doron ne taridendi. Ate la dookuwo mu wo le ti.
- ◆ Penkoo ka musoo la kuuroo le londi, a buka a la kuuroo je. Niñ ka ke noo le waati-wo-waati, aduñ niñ a ye i dahaa penkoo niñ taa la waati meñ na doron, a la kari-wo-kari kuuroo jowo be seyi la a ñaama le. A be kali la a la kuuroo je la a ñaama le. Niñ musoo ye penkoo taa a la kuuroo jowo loota, a mañ ke niñ ti ko yeloo niñ ka tara fuduriñ a jaatoo kono le.
- ◆ I ñanta penkoo niñ taa la le kari saba-wo-kari saba ka i fañ tanka kono soto ma.
- ◆ Niñ i ye i la penku foloo taa, i si tara i la kuuroo je kañ, aduñ i te konomaa la.

Boorikese yooyitaa

I buloo kuu jannij i
ka a ke i bala



Boorikesoo dundi
i musuyaa kono i ye i
lamoyi fo montoroo
miniiti tanj.



*** Boorikese yooyitaa taa menj ka duŋ musuyaa kono, a maŋ jari a ye a
musuyaa kono kuu, a niŋ kewo kafuriŋ koolaa. Kaatu niŋ a ye
wo ke, a be boorikesoo niŋ na tankaraŋo bee le kuu la ŋoo ti.

*** Niŋ boorikese yooyitaa, a ŋanta duŋ na musuyaa kono
le fo montoroo miniiti tanj, bari a maŋ ŋaŋ na tambi la miniiti
tanj saba la jannij ali ka kafuŋooyaa soto.

*** Niŋ boorikesoo te nafaa ke la niŋ i ye a kunuŋ, aduŋ a
maŋ ŋaŋ na kunuŋ na.



*** Maniifaaranj booroolu, i fanaa
ka dookuwo ke a ŋaama le komerj
boorikesoolu, niŋ i ye i niŋ foolewo taa
ŋoo la.

*** Niŋ maniifaaranj booroolu
taaŋaa siloo, wo le mu sila koyoo ti
musoo ye, bari a ŋanta le ka taa, kewo
niŋ musoo la kafu-wo-kafu to. A si ke
noo sila betoo ti niŋ doron ne la.

*** Boorikesoo menj ka duŋ
musuyaa kono, aniŋ siifaa koteŋolu,
wolu bee ka musoo maakoyi le ka tanka
laaŋooyaa kuuraŋolu ma, menj be
komerj seketoo.

*** Niŋ kamma la niŋ a ye laaŋoo
jamāa soto waranj a la kambaanoo
waranj a keemaa ye laaŋoo jamāa soto,
niŋ maniifaaranj booroo siloo mu sila
kende le ti wo maarii ye, sako niŋ a ka a
niŋ sila doo fanaa taa.

*** Musoo menj ka niŋ boorikese

Foolewo

*** Foolewo mu tankaraŋ sila kendoo
le ti laañoomaa fulolu ye.

*** Foolewo taa maŋ kasi-wo-kasi le
soto.

*** Foolewo mu sila kendoo le ti,
niŋ musoo ŋinata ka a la tankaraŋ
boorikesoolu taa, aduŋ a be suulariŋ
siloo la ka a faŋ maakoyi.

*** Bari i hakiloo tu, foolewo ka
fara le, bari a maŋ siyaa. Bari niŋ
i ka a niŋ maniifaaraŋ booroolu
taa ŋoo la, wo ka tankoo kuwo
lafaa le.


*** Foolewo ka kewo niŋ musoo la
tankoo warandi laañooyaa kuura-
ŋolu la karoolu le la. Foolewo ka
moo tanka laañooyaa kuuraŋolu
le la.

*** Kewo ŋanta le ka foolewo duŋ waati-wo-waati niŋ a niŋ
musoo be kafu la. A nafaa mu wo le ti.

*** Kewo ŋanta wuli la musoo kaŋ ne katabake niŋ a ye i jii,
fo meŋ si a tinna maniyoo doo kana taa yoolee foolewo kono
la.

*** Foolewo ŋanta duŋ na waatoo dorŋ ne la, i keeyaa be
looriŋ waatoo meŋ na.


*** Foolewo bondi, niŋ i pareeta a bala, i ye a fayi dulaa to,
dindiŋolu te futa noo la a ma daamenj.



I hakiloo tu laañooyaa kuuraŋ
koteŋolu to, aniŋ eeds jankaroo.

Laañooyaa kuuraŋolu mu muŋ ne ti?

Ñinnu mu kuuraŋ ne ti mənnu ka sawuŋ laañooyaa waatoo kono. Kewo si a soto noo le, musoo fanaa si a soto noo, aduŋ i si moo koteŋolu sawuŋ noo a la le i la laañooyaa waatoo kono.



i ka soto ñaadii le?

Niŋ laañooyaa kuuraŋolu buka soto noo jooraŋ maataalu bala. I te ñiŋ kuuraŋo soto noo la komeŋ i ye sii moo nooto a kuuraŋo be meŋ na. I te a soto noo la ka i la duŋ feŋolu niŋ moo doo la duŋ feŋolu kuu ñoo kaŋ a kuuraŋo be meŋ na. I te a soto noo la i niŋ a maarii la sumunaa kewo ñoo kaŋ. I si ñiŋ kuuraŋo soto ñaa kiliŋ doron ne la, wo le mu laañooyaa ti, waraŋ penku-ruļaŋo la, i ye moo penku meŋ na ñiŋ kuuraŋo tarata meŋ na.

i ka muŋ ne ke?

Niŋ moo-wo-moo ye a loŋ ko ñiŋ kuuraŋo le be i la, i ñanta meŋ ke la, wo le mu ka bori lopitaanoo to ka i faŋ jaara. Niŋ i maŋ ñiŋ kuuraŋo jaara, waraŋ i ye a jaara niŋ sila la, meŋ maŋ koyi, wo si a la taamanseeroo siloolu faa noo le, ite ye a miira ko a kendeyaata le, a ye a tara a maŋ kendeyaa. A si a tara jankari kesoolu mənnu ka ñiŋ kuuraŋo saabu, wolu le dunta baloo konoto. Niŋ a maŋ jaara niŋ sila kendoo la juuna, a ka naa labaŋ i maarii ke la jiidibaloo le ti, a



si i finkindi, waraq i sondomoo ye kuuraj, waraq sundiq kuurajo ye i muta. Musoo meq ye niq kuurajo soto, a si konoo soto noo le, bari a si ke noo a dijolu bee furewolu le be kali la wuluu la, waraq niq meq baluuriqo wuluuta, a ye finki.

⇒ Daq laañoo kiliq doroj na.

⇒ Foolewo taa.

⇒ Niq i ye kuurajo niq soto, i niq i laañoo bee ye taa jaaraloo bundaa to, ali bee ye i jaara katabake.

⇒ Niq niq kuurajo ye i muta, i faqo kana a jaara i faq ye, maakoyiroo niq.

Keesantoo

Niq keesantoo be kewo la, a keeyaa kono ka a jani le, niq a lafita ka i sumunaa, waraq niq feq koteq be bo la a keeyaa kono.

Niq seketoo be musoo la, a musuyaa kono ka jii manewo le bondi. A musuyaa si a dimi niq a lafita i sumunaa la, waraq a ye a la kuuroo je waati la a maj dali ka a je waatoo meq na.

Kewo doolu be jee, aniq musoo doolu, niq niq kuurajo be i la, kuurajo niq taamanseeroo buka finti banta, kuurajo niq si tara i la le, i maj a loq. Wo le ye a tinna a kummaayaata baake niq niq kuurajo be i laañoo la, a koyindi a ma. A fo a ye, a ye taa a faq jaara lopitaanoo to, niq a ye a loq ko niq kuurajo le be a la. Moo-wo-moo ye niq kuurajo soto, i niq moo koteq maj ñaq na kafu la fo niq i ye i jaara foloo.

Keeyaa waraŋ musuyaa kuuraŋo (Sopisoo)

Niŋ ŋiŋ kuuraŋo be kewo la, a keeyaa kaŋ bee ka maadiŋ ne, bari a buka dimi. Niŋ ka finti waati le la lookuŋ saba koolaa niŋ a niŋ moo kafuta meŋ ye ŋiŋ kuuraŋo soto. Lookuŋ dantaŋ koolaa, ŋiŋ maadiŋolu bee si naa yeemanj, bari wo maŋ a tinna ko a kendeyaata le. Musoo fanaa, niŋ a ye a muta, a musuyaa dandao bee ka maadiŋ ne, bari a buka a dimi. Niŋ a maŋ a koroosi faŋ, a te a lonj noo la.

Niŋ i ye ŋiŋ je i bala, waraŋ i laaňoo bala, ali kata ke ali ye futa lopitaanoo to, ka a jaara.

A be ite meŋ na, waraŋ i laaňoo,
niŋ moo koteŋ maŋ ŋaŋ na kafu la koteŋ,
fo niŋ ali ye ali faŋ jaara foloo.

Jaaraloo koolaa jannij kari kiliŋ ŋaato,
niŋ i niŋ moo-wo-moo be kafu la, i ŋanta foolewo le taa la.

Kuma kesoolu Eeds jankaroo la kuwo to

Eeds jankaroo mu jankari kuta le ti, aduŋ jankari jawu baa, meŋ, a be ŋaamootoo janjaŋ kaŋ ne, duniyaa karoo bee la.

A ka suŋ jankari kesoo le la meŋ, a ka balajaatoo la semboo bee le tiňaa ka tanka kuuraŋ koteŋolu ma. Niŋ jankaroo la kuwo mu lanjuuru koleŋ baa le ti duniyaa bee kono, kaatu a buka jaara noo, boori loorij maŋ soto a ye, aduŋ a maŋ sepuru fanaa soto.

Eeds ka janjan niŋ siloolu menu la

- ◊ Niŋ i niŋ moo kafuta meŋ ye a jankaroo soto.
- ◊ Niŋ i ye a jankaroo be meŋ na, la yeloo dii moo la meŋ maŋ a kuuraŋo soto.
- ◊ Dindiŋo, ka bo niŋ a baamaa wuluuňaŋo to la, Eeds be meŋ na.
- ◊ Niŋ a jankaritoo la yeloo maata bendaŋo la, waraŋ jooraŋ koteŋolu, i ye moo soo a la meŋ maŋ a soto.

Eeds buka sawuŋ noo niŋ siloolu menu la

- ◊ I niŋ a jankaritoo ye tara sabatirin ŋoo kaŋ dulaa kilinj, ka a maarii buloolu muta, ka a maarii sumbu, ka i miniŋ a maarii la, a maarii la tisoo i kaŋ, waraŋ ka ŋoo maa.
- ◊ Tootoo, nijiyo, suusuulaalu, siyoolu, waraŋ ka ŋoo la duŋ feŋolu duŋ.

Eeds jankaroo ka moo faa le.


Sila maŋ soto a ka jaara noo meŋ na.



I kanuňoomaa kesenj.

M baadij banku dunkewolu,
saayij njà a loj ne daliiloo meñ ye a
tinna dimbaayaa kuwo feere landoo
kummaayaata kewo ye, a niñ a la
musoo niñ ì dijolu. I ye a loj ne bañ i
be dimbaayaa kuwo feere landoo
maakoyiroo soto la daamen?

- ⇒ Dimbaayaa kuwo feere landoo maakoyiroo si soto noo ñiñ
dulaalu le to:
- ⇒ Dimbaayaa kuwo feere landoo lopitaanoolu to, Kaanifinj,
Banjulu, Buyaamu, Njaaba Kundaa, Pakalindinj, Bansanj, anij
Base.
- ⇒ Kambiya dimbaayaa kuwo feere landoo dookuu bundaa
dookuulaalu.
- ⇒ Jaati kendeyaa dookuu bundaa to, dindinj lopitaanoo to, anij
lopitaanindinjolu to taarij.



- ⇒ Boori waafi dulaalu to taarij, Banjulu, Serekundaa, anij Kerewani kumandaŋ mara bankoo kaŋ.
- ⇒ W.E.C. la dookuu bundaa meŋ be Sibaanoori.
- ⇒ Diina dookuu bundaa meŋ i ka a fo a ye ko Metodisi, i la dookuu bundaa meŋ be Maraakiisa.
- ⇒ M.R.C. la dookuu bundaa meŋ be Kiyaŋ Kenebaa.
- ⇒ Lopitaanindiŋolu mennu be bankoo kundaalu bee kaŋ, kafoo meŋ marata janjandiroo keñaa ma, anij dammaa kafoo meŋ marata janjandiroo ma.

Nij i lafita ka kibaari jamaa loŋ, kata ke i nij dimbaayaa kuwo feere landoo lopitaani dookuulaalu ye ñoo je. I ye i walij i be sutuyaarin i la daamenj to.